

**JU NARODNA I UNIVERZITETSKA
BIBLIOTEKA „DERVIŠ SUŠIĆ“ TUZLA**

Broj: 333 /26

Tuzla, 30.04.2026. godine

**KONKURS ZA NAJBOLJU KRATKU PRIČU
ZA UČENIKE SREDNJIH ŠKOLA**

Povodom manifestacije **Književni susreti „Derviš Sušić“**, Narodna i univerzitetska biblioteka „Derviš Sušić“ Tuzla raspisuje konkurs za najbolju kratku priču za učenike srednjih škola.

Sušićev raznolik stvaralački opus, kompleksan narativ, leksičko bogatstvo, načini vođenja pripovijesti i strukturalizacije likova, bogat figurativni jezik otvaraju prostore za promišljanje i tumačenja književnih tekstova, ali i afirmiranje sopstvenog književnog izraza.

Cilj je da se upravo u tom plodonosnom suodnosu ostvarenog i potencijalnog generira stvaralačka energija i nova književna produkcija.

1. USLOVI UČEŠĆA

Pravo učešća imaju učenici srednjih škola sa područja Bosne i Hercegovine.

Jedan autor može poslati jednu kratku priču.

Rad mora biti originalan i neobjavljen.

Priča treba biti napisana na bosanskom, hrvatskom ili srpskom jeziku, latiničnim ili ćiriličnim pismom.

2. TEHNIČKE SPECIFIKACIJE

Rad treba biti pisan fontom Times New Roman, veličine 12 pt, prored 1,5.

Maksimalna dužina rada je 1800 riječi, odnosno do 5 stranica teksta.

Uz rad je potrebno dostaviti ime i prezime učenika, razred, naziv škole i kontakt nastavnika/mentora.

3. ROK I NAČIN DOSTAVE

Konkurs je otvoren do **21. maja 2026. godine**.

Radove dostaviti lično ili poštom, u zatvorenoj koverti, na adresu:

Narodna i univerzitetska biblioteka „Derviš Sušić“ Tuzla

Mihajla i Živka Crnogorčevića 7

75000 Tuzla

(sa naznakom: PRIJAVA NA KONKURS ZA KRATKU PRIČU – Književni susreti „Derviš Sušić“)

Dodatne informacije: 035 272 626

E-mail: tuzlanskabiblioteka@yahoo.com

4. NAGRADE I OBJAVA

Najuspješnije priče bit će nagrađene i javno predstavljene u okviru manifestacije Književni susreti „Derviš Sušić“, na svečanoj dodjeli nagrada. O izboru najboljih radova odlučuje stručni žiri.

5. AUTORSKA PRAVA

Autori zadržavaju autorska prava nad svojim radovima. Organizator zadržava pravo javne prezentacije nagrađenih radova u promotivne svrhe, uz navođenje autora.

6. NAPOMENE

Nepotpune i neblagovremene prijave neće biti razmatrane.

Plagirani radovi će biti diskvalifikovani.

Prijavom na konkurs, autori daju saglasnost na obradu njihovih ličnih podataka koji su u vezi sa predmetnim Konkursom.



Direktorica

Sanja Dukic
Sanja Dukic, prof. bosanskog jezika i književnosti